


11/05/26 01-114-2026



Në bazë të nenit 12.2 pika d), nenit 40 paragrafi 2 pika d) të Ligjit nr.03/L-040 për vetëqeverisjen lokale (“Gazeta zyrtare e RK-së”, nr.28/2008), nenit 13 paragrafi 1 paragrafi 3 pika g) të Statutit të Komunës së Graçanicës nr.6320/15 të datës 22.10.2015, Kuvendi Komunal i Graçanicës në mbledhjen e parë të jashtëzakonshme, e mbajtur më datën 01.04.2026, merr këtë:

VENDIM NR.18/2026/KG

për miratimin e Raportit vjetor të punës dhe realizimit të planit të punës së Kuvendit Komunal të Graçanicës për vitin 2025

Neni 1

Miratohet Raporti vjetor i punës dhe realizimit të planit të punës së Kuvendit Komunal të Graçanicës për vitin 2025.

Neni 2

Pjesë përbërëse e këtij vendimi është Raporti vjetor nr. 927/26 i datës 06.03.2026 i punës dhe realizimit të planit të punës së Kuvendit Komunal të Graçanicës për vitin 2025.

Neni 3

Vendimi hyn në fuqi 30 ditë pas dorëzimit tek autoriteti mbikëqyrës në kuptimin e nenit 8 lidhur me nenin 9 të Ligjit nr. 08/L-284 për shqyrtimin administrativ të akteve të komunave dhe pas publikimit në ueb-faqen zyrtare të komunës.


Kryesuesi i Kuvendit

Milica Dimitrijević



927/bc

08.01.2025



RAPORTI VJETOR I PUNËS DHE REALIZIMI I PLANIT TË PUNËS SË KUVENDIT TË KOMUNËS SË GRAÇANICËS PËR VITIN 2025

Kuvendi i Komunës së Graçanicës është organ më i lartë përfaqësues i komunës, i zgjedhur drejtpërdrejt nga qytetarët e komunës në zgjedhjet lokale. Kuvendi i Komunës së Graçanicës funksionon në bazë të Ligjit për Vetëqeverisjen Lokale nr.03/L-040, Statutit dhe akteve nënligjore. Në përputhje me kompetencat e tij, Kuvendi i komunës miraton aktet e mëtejme: Statutin, Rregulloren e punës, rregulloret, vendimet dhe udhëzimet dhe ndërmerr masa të nevojshme për zbatimin e tyre me qëllim të realizimit të kompetencave të komunës.

Kuvendi i Komunës së Graçanicës ka 19 këshilltarë, mandati i të cilëve zgjat 4 vjet. Pas formimit, përbërja e subjekteve politike të këshilltarëve të Kuvendit të komunës për mandatin 2021/22-2025 ishte:

18 këshilltarë LISTA SERBE

1 këshilltar ALEANCA SHQIPTARE

Përbërja e subjekteve politike të këshilltarëve të Kuvendit të komunës për mandatin 2025/26 – 2029 pas formimit, në mbledhjen konstituive të Kuvendit të komunës, të mbajtur më 05.12.2025, është:

13 këshilltarë LISTA SERBE

4 këshilltarë ALEANCA SHQIPTARE

2 këshilltarë PËR LIRI, DREJTËSI DHE MBIJETESË (*ZA SLOBODU PRAVDU I OPSTANAK*)

Mbledhjet e Kuvendit të komunës

Në vitin 2025, Kuvendi i Komunës së Graçanicës ka mbajtur gjithsej 14 mbledhje, nga të cilat: 10 të rregullta, 2 të jashtëzakonshme, 1 urgjente dhe 1 konstituive.

Të gjitha mbledhjet ishin transparente për publikun, në të cilat morën pjesë përfaqësuesit të: KFOR-it, OSBE-së, MAPL-së, pastaj kryetarja e komunës, Kabineti i kryetares së komunës, nënkryetari i komunës, drejtorët e drejtorive komunale, shefi i Shërbimit për Tatimin në Pronë,

shefi i Prokurimit Publik, kryesuesi i Komitetit për Komunitete, drejtori i NPK "Ekologjia", avokati publik i komunës, koordinatori i KKSB-së, drejtoresha e OTG-së, mediat, banorët dhe zyrtarët e Komunës së Graçanicës.

Në mbledhjet e Kuvendit të komunës janë miratuar gjithsej 64 akte, nga të cilat: 62 vendime, 1 Rregullore nr.01/2025/KG për organizimin e brendshëm dhe sistematizimin e vendeve të punës, 1 kërkesë e Qeverisë së Kosovës.

Disa nga aktet më të rëndësishme të miratuara gjatë vitit 2025 janë:

- ✓ Raporti vjetor financiar për vitin 2024,
- ✓ Raporti tremujor financiar për vitin 2025,
- ✓ Raporti gjashtëmujor financiar për vitin 2025,
- ✓ Raporti nëntëmujor financiar për vitin 2025,
- ✓ Rritja e buxhetit nga të hyrat vetanake për vitin 2024,
- ✓ Bartja e mjeteve të pashpenzuara financiare nga viti 2024 në vitin 2025,
- ✓ Vendimi për përjashtimin e Shoqërisë së Gjuetarëve "Graçanica" nga pagesa e qirasë për shfrytëzimin e vendit të gjuetisë për një periudhë prej 12 muajsh,
- ✓ Dy raporte të krytares së komunës për aktivitetet dhe punën e drejtorisë së Komunës së Graçanicës për periudhën 01.12.2024-31.05.2025 dhe për periudhën qershor-nëntor 2025,
- ✓ Lista e pronave të paluajtshme të komunës për dhënien në shfrytëzim në vitin 2026,
- ✓ Buxheti i Komunës së Graçanicës për periudhën 2026-2028,
- ✓ Korniza afatmesme buxhetore për periudhën 2026-2028,
- ✓ Përcaktimi i normave tatimore për pronën e paluajtshme për vitin 2026,
- ✓ Plani i punës së Këshillit për Siguri në Bashkësi për vitin 2025,
- ✓ Plani i punës së KK të Graçanicës për vitin 2026,
- ✓ Rregullorja për organizimin e brendshëm dhe sistematizimin e vendeve të punës në Komunën e Graçanicës.

- Kuvendi e shqyrtoi Raportin e Auditorit të Përgjithshëm për vitin 2024, si dhe Planin e veprimit për zbatimin e rekomandimeve.

Me Planin vjetor të punës së Kuvendit për vitin 2025 janë paraparë 71 pikë për rendin e ditës së Kuvendit, nga të cilat 62 janë diskutuar në mbledhjet, pra në përqindje janë realizuar 87.32%.

Shërbimi për Çështjet e Kuvendit ia ka dërguar brenda afatit ligjor të gjitha aktet e Kuvendit të komunës Ministrisë së Administrimit të Pushtetit Lokal (MAPL) për vlerësimin e ligjshmërisë dhe të gjitha aktet janë publikuar në ueb-faqen zyrtare të komunës përveç akteve për të cilat ministria kompetente ka vlerësuar se janë në kundërshtim me dispozitat ligjore.

MAPL-ja dhe ministritë e tjera kanë vlerësuar se tetë (8) akte prodhojnë efekt të plotë juridik, ndërsa për dhjetë (10) akte nuk i nënshtrohen shqyrtimit të detyrueshëm të ligjshmërisë, ndërsa për gjashtë (6) akte janë përgjigjur si në vijim:

- 1) Rishqyrtimi i Vendimit 61/25/KG për formimin e Komitetit për Komunitete dhe përputhja e tij me nenin 53.1 të Ligjit 03/L-040 për vetëqeverisjen lokale.
- 2) Ndryshimi dhe plotësimi i Vendimit nr. 04-2025-KG për ndryshimet e miratuara të personelit dhe shumës përkatëse buxhetore për kategorinë e shpenzimeve “Paga dhe shtesa në paga”.
- 3) Vendimi nr.39-2025-KG për ndërrimin e destinimit të tokës bujqësore në tokë ndërtimore është në kundërshtim me dispozitat e legjislacionit në fuqi.
- 4) Vendimi nr.40-2025-KG për anulimin e Vendimit nr.5026-22 të datës 28.09.2022 (Nr.29-2021-KG) për shpalljen e parcelës nr.909/26 ZK Çagllavicë me interes të përgjithshëm publik nuk është në përputhje me dispozitat e legjislacionit në fuqi.
- 5) Rishqyrtimi i Vendimit nr.13-2025-KG për miratimin e Planit të veprimit lokal për cilësinë e ajrit 2025-2029.
- 6) Rishqyrtimi i Vendimit nr.17-2025-KG për ndryshimin e emrit të rrugës nga ”Pensilvania” në ”Ohio”.

Kuvendi i Komunës së Graçanicës ka dy komitete të përhershme:

Komitetin për Politikë dhe Financa dhe Komitetin për Komunitete.

- Komiteti për Politikë dhe Financa në vitin 2025 mbajti gjithsej 12 mbledhje, nga të cilat, 10 mbledhje të rregullta, 1 të jashtëzakonshme dhe 1 urgjente.
- Komitetin për Komunitete në vitin 2025 mbajti 12 mbledhje, nga të cilat, 11 mbledhje të rregullta dhe 1 të jashtëzakonshme.

✓ KK i Graçanicës ka formuar edhe 3 komitete të tjera:

- Komitetin për Shërbime Publike (gjatë vitit 2025 nuk mbajti mbledhje),
 - Komitetin për Persona me Nevoja të Veçanta (gjatë vitit 2025 nuk mbajti mbledhje),
 - Komitetin për Arsim (gjatë vitit 2025 nuk mbajti mbledhje).
- Këto komitete pasqyrojnë përbërjen partiake të Kuvendit, duke marrë parasysh përfaqësimin e komuniteteve pakicë dhe gjinive.

Duke e informuar opinionin për mbledhjet dhe aktivitetet, Kuvendi i komunës ka mundësuar që qytetarët të marrin pjesë drejtpërdrejt në propozimet dhe marrjen e vendimeve dhe ideve për realizimin e të gjitha nevojave të banorëve lokalë në territorin e Komunës së Graçanicës.


Kryesuesi i Kuvendit

Milan Dimitrijević